



# Պարույր Սևակ

## Արտերն են ծփում

Առավոտն այնտեղ կանուխ է այնքան  
Իր աչքը բանում  
Եվ այնքա՛ն հանկարծ, որ միտք ես անում,  
Բայց չես հասկանում:  
Մութը քաշվում է ծմակ ու քերծեր,  
Իսկ հետո՝ շոգին  
Սարատափի տակ, քար ու թփի տակ  
Փոխարկվում շուքի:  
Իսկ լո՛ւյսը... Լույսը հեղեղի նման  
Վարարո՛ւմ, հորդո՛ւմ,  
Սարերն է բռնում, երկինք է հառնում,  
Լճանում սրտում:  
Իրիկվա քամին զարթնում է հանկարծ  
Եվ միանգամից,  
Ինչպես բուրավետ իր օրորոցում՝  
Երեխան քնից:  
Արտերն են ծփում, ալիքվում այնպես  
Գժորե՛ն, կարծես  
Երբեք չե՛ն գսավի, երբեք չե՛ն դառնա  
Կաշկանդված խրճեր...

15.VIII.1956թ.

Չանախչի